

浮山文集前編

浮山文集前編總目

卷之一

稽古堂初集

卷之二

稽古堂二集上

卷之三

稽古堂二集下

卷之四

曼齋艸上

卷之五

曼寓艸中

卷之六

曼寓艸下

卷之七

嶺外稿上

卷之八

嶺外稿中

卷之九

嶺外稿下

卷之十

徭尚廢稿

不肖子中德

中通

中履編次

從子中發

孫正璣

正璫

正琇

正瑤

正璫較

稽古堂初集序

天生才不易以吾所見妙年博洽深通古今者未有也今見皖江方密之是其人矣余讀所著作詩古文辭已累數百萬言志在經史言論古雅誠廊廟之重器平及語當世之務則又慷慨激烈切于事情其年方若而何以至是也皖江之學自魯岳先生倡之而仁植公紹之其業益顯密之之所懷抱稱引豈非得于家訓深厚哉爲人復恂恂自下好問請益詳天下之故余以爲荷薪寧澹澹性命之原尊君向在司馬以經濟爲任禦國強邊立法足用之策區畫甚備子當歸而求之耳余業已老雖鉛槧不廢亦無所禱專望子之侍承明言政事爲國家用也史氏

陳仁錫明卿題

癸酉夏方璽卿公仁植命其子密之以詩賦古文辭來示密之年甫弱冠也倜儻雅駿負大才著書好古志在千秋豈積德累仁之致與夫何長發其祥也密之曾王父明善先生修濂洛之教講學桐川大江南北無不嚮德而問業者廷尉公纘緒其業而彰明其教凡刑于家訓于後皆以篤行文學爲兢兢故仁植丕承克艱垣墉而塗蕝茨罔不獲考紹聞衣德言固淵淵矣余固久聞密之藉甚而其人恂恂如不自勝一切才士之習鮮衣飾容皆所不屑也度量過人豈不遠與余雅愛重之今吾孫從之遊恒與言當世務而經濟呢呢所陳說皆深悉一時之故誠

不下漢室賈生也夫世所謂賢豪者何限密之之志行如此諒
諒詎可忽哉近見聖卿公執親之喪寢苫枕塊不卽內不茹葷
廬於墓側日誦讀古人書寒暑不易密之博學好古良有以也
方今國家需才以密之所懷經濟詔金馬陳治安可旦暮遇之
矣聖卿爲職方官官而行不畏強禦來聖明天子之夢寐爲時
時名臣養之海內不負家訓哉然吾不爲其一家慶而更爲天
下慶也西疇老人何如寵題

浮山文集前編卷之一

稽古堂初集

擬求賢良詔

澤社題

詔曰。知人官人。典謨著之。明於求賢。帝王繇此其選也。國家明訓。設爵祿以待士。公卿有司。以廣教化。可不謂意甚盛哉。今百姓重困。經費不贍。侵犯。豈比不爲。若稽古至治。風雨時。刑罰措。天下晏如。四裔徠服。果何施以臻此。朕用興寐。憫然嘉與天下之士。更化善治。乃者澤不下究。士罔積行。進者苟以圖榮。居官爲奸。將法有未善與。抑世無人。而求賢之道未備與。何紛

然治之難也。二祖列宗皆徵賢良在左右。使時時有補益。豈徒以曼詞進哉。今天下惟制舉是工。先王法言。一未之聞。何尤乎寡廉鮮恥也。用是特修徵士之典。以風天下。爾公卿有司。務虛公。毋蔽賢。興廉舉孝。庶幾紹休。其令所任官。下郡縣舉賢良文學之士。洽聞經術。明當世之務者。遣詣京師。年有無所著。勿遣。朕將親策焉。其毋有隱。

擬上永治書

艸野士愚昧無算。不知避迕。敬上書執政先生。先生膺股肱之位。四方是昆。宣德澤。安阨危。爲國家賴。聖天子在上。資竝廣運。首剪羣奸。莫宗廟。更始厲治。一復祖宗之舊。數年以來。躬自節儉。減膳衣浣衣。尊天敬祖。振古于茲。列辟所未聞也。日召對諸臣。問以國家之事。數下詔求得人。重廉恤民。責有司。發夜未遑。有聖明之君如此。委任諸執政。執政先生崇休令聞。躬逢曠代。何天之龍。豈非千載一日哉。今天下執若此。而莫之省憂。竊爲先生不取也。愚管一得。敢不畢議。願知。幸賜清燕之間。少加熟察焉。嘗目今天下之執兵革繁興。西北烽火。猖獗叛將負。非石文襄前編卷之一

固瑯琊未滅中州趙竟平原荒薦關中阻深皆爲流賊所搜牢
南方自越東甌距全閩兩粵浸及章貢州竊蟠突其瀕海者海
賊出沒爲患滇憂未已蜀爲土司所制僅僅南畿尚未告變耳
其郡縣據坑塹爲盜藪它不可勝計一二指摘身慮無聊此豈
特病痲哉訾貲一方輒數百萬緡無已加賦繇役衆息民愁流
庸重以貪暴之吏刑戮妄加沒其膏脂赭衣半道閭里旬旬歲
一嘆譴起耳在上者旣或聞耳矣未聞耶是豈大臣擁貴居攬
權執以指使人唯其所欲爲時耶世之佩纒拖紫者慮無不以
苟且得尊位爲能一日九遷激卽要路寢美好之奉極聲色之
欲達者貴適意無庸立功名稱後世也前歲一薄畿內赤白

囊星急押至。臥堅被銳門九門。薰隧不通。金鼓夜恐。則惜而抱
妻泣耳。及載金帛稍歸。遵永間。卽喜曰。還矣。寔酒張設
也。可數持刺逢迎人也。中貴人貴用事。可多金通問好也。破
不破。且勿問焉。此其卑卑內駭。可鄙孰甚。然豈願爲大逆不道
亦不過受爵不讓。爲身家而已。夫立功名。忠於國。則坐籌廟堂
出行戎邊。均之不爲身家。然後可以有爲。彼爲者。罔密事叢。失
期內顧。爲仇嫉者所媒孽。及至名毀身辱。卽賢者未嘗不悔。如
委蛇時事者。明哲也。不肖者業欲矢志樹事。則何所爲極。欲縱
樂。不得不少損矣。而又有患。與夫錄錄而位尊。孰智計乎。是其
間。安可容穴。豫焉。嗚呼。朝廷之事。日壞不支。大率坐此。議者皆

曰。久涸也矣。事且掣肘。不可爲也。毋動便噫。朝廷之事。豈遂坐
眤。不可爲耶。要之無人。知人誠重矣。天下豈遂若無人耶。人非
不知之。而卒以不知。愚以爲由於是非不一。是非不一。則賞罰
不信。名寔不當。是非不一。賞罰不信。名寔不當。愚以爲由于寵
賂不禁。傳曰。國家之敗。無官邪也。官之失德。寵賂彰也。今夫輔
揆。汗號司文武銓除典。謄籍六垣十三臺之諮議。度支水衡之
會計。三司之讞決。巡方之糾舉。學政之錄俊。監司之報殿最。郡
邑之領專城。皆賂所出入也。誠見當今之世。未有非多財者超
遷。廉潔者伏處。賈生曰。廉吏釋官而歸。爲邑笑。居官敢行奸而
富。爲賢吏家處者犯法。誠然哉。決大計。論功罪。何錢財不可勝

也。彼正人抗俗寡合。又不能以利自滯結。可撻缺鱗藉之也。賂賂不禁。而欲賞罰信。名寔當。是非一。得乎。初爲其利。而故亂其是非。究且怙氣執以爲見其當然。非必當然也。往往假朝廷之法。以意行之。法者朝廷所以生殺予奪。宰制天下也。乃爲臣子之意。竊深惟之。逾可悼痛。意之爲私。誰曰不然。旣以私意爲是非。亦祇與我之情。厚薄爾已。身問法情。比昵事我。所非是之。不相能。所是非之。又惡其自私出也。窺至尊之意。重疆場。卽可以疆場中之至尊之意。責效迫促。而獎重難卒治。米鹽煩苦。可因而去之。可以意中之去之。亦可以恩市之。諭意風指。使人以微故彈簡。受忤于此。而發毒於彼。苛察繳繞。令當之者無所自解。

是故逃將喪師。可慰舊職也。反書遺。可勿伏。寃也。貪污受賂。可減等也。且可應仕也。而獨水強。坐不稱意。不善承奉者。斷乎致以文深。抵冒矜托。于是朴愿方正。杜口齟舌。重足而立。而貪婪競進之夫。伺主者意。多方中訶。設羅罟。罹所怨惡者。殺人以媚之。冀以得當其快。苟得當其快。而見寵。雖斫比干。烹夷齊。庸何傷。長安道中。斐斐往往。朝參罷。抱膝馬坐。下。卽商所以刺人者。某寡惠於我。若爲我報仇。若有我爲若亦如之。易七首以刺人。何其忍乎。則前所謂卑卑鄙夫。尚得爲賢矣。哀哉。本以其私意也。而儼然天子之公法。雖有辨士之舌。亦焉能竊其詭邪。悲夫。一朝之上。各樹私人。各懷私怨。此急報之。彼又報之。人

材推折。曾幾何矣。日相尋之未已。遑籌所爲控。狄。裕財用哉。子丑之交。璫禍之虐。言之使人至今病瘁。執政先生。宜以此時。漣灑前郵。輔弼治化。急所當務。擇人共職。振紀綱。核薦舉。公銓曹。責守令。廣諫議。厲久任。勉將士。畫所以防。何策也。議戰守。何術也。兵何以不驕。盜何以弭也。屯田馬政鹽法。何經也。賦役財歛。何法也。參前代之制。法祖宗之訓。芟今日之弊。重廉讓。以禁賄賂。釋私意。以正是非。則賞罰名寔。自不渾散。奸宄顧化。賢良氣奮。而朝廷之事無成功。未之有也。雖未必幾畫象之治。日月不蝕。山谷不震。麟鳳在郊。祥瑞日見。然訟獄衰息。國用富強。四裔畏威。吏稱其職。民安其業。則荀子所謂法後王。固不可黷。

耳執政先生播揚洪業銘功鼎鐘其爲身家豈不亦猗與盛哉
然後唯其所欲爲無不可也執政豈無意乎古者匹夫得接見
天子而今公卿閭閻蒼頭廬兒出入傳呼肅警于建章愚生么
麼不足以當履屨度觸忌諱然猥以當有災異舉直言極諫以
聞猶之博士具官采萬一焉詩曰先民有言詢於芻蕘若不見
忤當具艸野之策條對急故畧見施行天下福矣幸辱候人之
進之主臣主臣

文論

文固未可以一二論也。號屬文家衆矣。何其不古耶。豈世漸使然。不可復哉。抑作者安於下乎。特達之士。以爲當急應時。立功名。區區甚辭。壯夫不爲。何益。又有以爲章句小儒。破碎大道。正欲反朴。見諸行事。何徒美其文詞。以曉曉于世爲。是二者皆是乎。更相笑也。豈可謂無見。雖然已甚。未見其大。亦作者過耳。嘗試論之。古之儒者。載籍極博。必考信於六藝。通天人。觀古今。不能身通。則專師通一經。然後著作成一家言。夫必義造書契以後。六經尚矣。易以明陰陽。書以導政事。詩以和性情。禮以別等威。樂以美風俗。春秋以正是非。其言皆至德要道。不可以文辭

稱然文至矣。仲尼刪述六經。獨其志在春秋。丘明高赤爲之傳。左氏獨詳。又爲國語以表之。此史所昉也。其間楚相荀虞。呂不韋。往往摺摭春秋之文。采取成敗以著書。不可勝記。他如老莊。堯韓。申墨。關尹。文譚之流。各著爲子。又雜史諸子所昉也。其文人人殊。至周禮儀禮。爾雅諸書。其文皆非聖人不能作。或非之。大約今所列十三經。不可廢也。漢興。陸生稱說詩書。而世本戰國兼聞出。言馬談遷父子。乃論纂前籍。罔羅逸文。作史記。班彪固父子作漢書。昔稱遷有良史材。服其善序事理。辨而不華。實而不俚。其文直其事核。而固書洽通典重。議論頗不詭於聖人。于遷何多讓焉。故六經下有左國。而史漢遂爲高古絕倫。下此

自不逮矣。古未嘗以集名書。漢藝文志所具亦多不存。因劉歆
輯畧後。東京乃有撰集古昔。若當代人所爲文。類編之曰類集。
辭令論叙。本乎著作。導揚諷咏。達乎比興。先王遺澤未泯。士習
深厚。風諭論議。婉而章。肆而隱。曲而中。從容而意獨至。其陳制
申典。忠而不阿。直而有禮。億中時獲。知類通達。可謂賢詰之文
矣。如戰國魯連之射聊城。樂生之報燕惠。李斯之諫逐客。豈非
近代書疏之首哉。屈平放逐而作離騷。宋唐景差之徒效之。犬
風房中。猶楚聲也。錄別卡九首詩。有三百風。子虛甘泉諸賦。寔
麗以則。洋洋乎。武帝好儒雅。選言弘興。制策典則。多爾雅之文。
卽賜侍臣嚴助。吾丘等書。又何雄厚也。故漢儒雅踵生。賈晁董

相鄒枚長卿以迄更生父子子雲之倫格王正事固非經義摹
擬溫文各爛如也當是時史有儒林未列文苑鴻采大篇獨班
班見之漢書中故漢之無文苑也非無文也夫人而能爲文也
後漢書實始傳文苑競新濫而文益衰然所載書議尚爲可觀
陵遂至於六朝屬文家一以連類比辭其文靡靡唐承其弊習
俳譏陋麗猥不振獨有詩然蘇李之遺建安之氣殆盡不可復
惟其律及七言古絕句爲得致耳元和而後漸以靡齒施及有
宋終以不返繇此觀之韓修武之一支前習陳理蘄然豈不亦
偉與揚州廣陵繼以益恣蘇氏父子多以危言劇上古爭臣難
之其策論可謂善指事意至稱其直軼秦漢恐燕郢也後此時

也。吾烏能禁之。而又烏用昂之哉。其時儒者多明聖人之指。微
矣。然於出詞氣頗不雅馴。安見不可以秦漢之法達其辭也。自
梁昭明爲文選。選始分諸類。自是文體益繁備。爲文者乃各爲
之賦。者古詩之流。詩體最不一。頌誦。勅。德也。王言曰策書。策簡
也。曰制。制裁也。曰詔。詔告也。曰勅。勅正也。其事重。封以璽。曰璽
書。唐宋曰批答。臣下陳言曰章奏。表疏章者明也。奏進也。曰奏
劄。曰奏狀。表標也。謂標著表白之也。疏。疏通其故也。議。宜也。其
陳便宜。慮有宣泄。囊封以進。曰封事。其應詔陳政獻說曰對策。
曰射策。而糾罪有按劾。曰彈文。其書志記序。論說解辨。原七問。
對連珠之類。更爲悉書者。劄也。記之言志也。志識其實事也。序。

者緒也。叙其事緒也。論者倫也。綜羣言而倫次出之也。說者述也。悅也。解釋也。辨以決其難。原以探其本。誠以警其違。贊以稱其微。引題辭以倡其端。題跋識以標其尾。曰七日對曰答問。皆極其往復以盡其辭。曰連珠曰雜著。皆隨文以發其指也。其用之公府。則有啓有奏。記奏隨用之。黎庶則有譜籍簿錄。徵信百官。則有關有移文。軍旅則有符檄有露布。啓陳也。牋表也。譜音也。籍籍也。簿圖也。錄領也。移易也。關開白也。檄軍書急也。師有功書之。露板不封。曰露布。其大者。敘事之辭曰傳。傳者傳也。以傳永久也。碑誌記之石以不朽也。謚議行狀。狀貌也。貌其行事。議定其迹也。誄累也。累其行誄之。亦曰祭文。曰哀辭。是諸體者。

立文人益泛驚難膽其爲愈多其文愈平。要之能不離雅馴者
近是惡難言也。世之學者業欲治一經得富貴安得廣獵事此
其所爲名高號能屬文家又甚苦原本經傳博學強識慮發其
聰明小有才能持說辨以達世亦取其易爲者爲耳何必左國
史漢訓辭深厚令人詰屈哉。旣以如是則不類者必且詆之非
恐其勝之也。見穴之也是故薦紳役簿書樂其便近而稱焉。流
俗之士欲以其求田宅逐什一乘堅策肥。恩有司之心爲文顧
不望風而靡乎。其賢者急于合時不遑洽聞亦甚喜夫一日而
至者也。相以易曉忘其鄙倍束髮時誦一制舉義長而苟協平
反觀一二近代集爲詩古文辭卽以向所爲制義者充之耳。它

能省逸書小記綴其奇字則洞心駭耳矣已悔之道無繇至則
又有辭曰世漸使然不已較與生今反古有識者所議詩必則
三百三百而前誰爲者文卽則六經其如六經而前何丈夫貴
自我作古耳楚越之諺楚離之語皆可竝典墳齊風雅焉藉第
令有志古道然不可卒致其所爲鄙倍者天下又且稱之不衰
欲其舍所學就不可卒致之門是猶以鞭御狸也猖披之惡可
勝歎哉以是求修武以後諸家亦已萬一矣何言秦漢何言六
經邪夫然能爲涉獵如以辭而已者已美矣國家文治甚昌雖
端以經義錄士而古學加修蓋令深于義理之文且以觀博約
之致王體國法經世之畧苟若是者固已儒也豈謂以今之鄙

倍歎哉。高皇帝時。佐命之臣。宋文憲劉文成以文著。他如高劉黃王諸公。皆風調諧美。邦之彥也。至孝皇之世。李北海何信陽。愍學者之不達其意。而師詩。乃稍稍爲秦漢之說。迄于嘉隆。濟南江東。拔茅而薦。而歸唐。又以平衍達之。雖曰經學尚淹。可歎才難矣。此數家者。皆能舉見。有不稱。亦所不免。石渠白虎故事。卒鮮所尚。蓋谷本清。其所著書。於言經無異。然叙述編史。緣飾國家之事。爲獨近雅。諸言道者。又出詞鄙倍。糟粕典籍。置之不論矣。嗚呼。世無倖尼。遂無所折中與。治世之文古以厚。其指遠。亂世之文靡以薄。其義倍。紹明世。繼春秋。本詩書禮樂。以昭治世之文。意在斯乎。學士可不勉諸。士自念欲通天人。觀古今。以

其餘爲詞賦。莫若多誦法古昔。然百家浮稱。未可一揆。要其至德要道。統乎六經。擴而十三經。文辭爾雅。叙事達義。則左國史漢。大家畢矣。學者務爲省覽。誰差采之。以訂雜注之批繆。剪章句之蕪穢。法辭義之回穴。正衆流之乖析。一遠鄙倍。返諸大雅。以繹先王之則。明當世之務。豈不庶幾儒者哉。卽曰壯夫不爲破碎大道。吾不信也。故吾嘗曰。罇本於經。練要於史。修辭於漢。析理於宋。文從古法。詩從正始。而好學在乎定志。詞達在乎辨雅。雅辨也。雖仲尼亦引之升堂矣。顧就將何如耳。文固未可一二爲時人論也。

結客賦

有序

古之結客者。意欲以有爲也。風旣下。天下慮皆舞。知以相御。上者能獲虛采名。則豪俠稱矣。同已者黨之。異已者排之。此卽所謂引義已然諾乎。如其如是。則如絕交。交絕也。難又及之矣。莫誰何也。嗟乎。天下若遂無知我者。與以今之俗。求一折節好客者。已不數數然。然或有之。欲其無求於我。不可得也。已不能貴寵。而獨以古處責天下士。豈特古之人不幸耶。聊作結客賦。以況其辭曰。

有游俠公子者。爲人雄駿。多知自將。文采韞藉。言笑儻蕩。編貝縣珠。意常嘽讓。喜弋獵鼓琴。酒後擊劍賦詩。又何壯也。嘗慕四

君之風門下食客近三千人。擔囊命裨南招乎吳楚閩越。駕轡約結。北暨乎燕趙齊秦。而公子亦好遊天下。跋閱九域。浮宅五湖。方內琦行。瑰異之士。以迄鼓刀販繒之徒。莫不折節致稅。枉道而顧其廬。聞有東郭先生賢。欲往謁之。先生索居東郭。故以東郭名。寡交不盜虛聲。性厭往來。獨嘯歌而學躬耕。公子乃乘雲輅。騁飛鸞。建蜺旂。昭紫電。拂霄堦而雲流。經墳垠而潦收。歷鄉嚮而入通谷。攬琴轡而夷猶。巷湫隘而不能容。顧止車騎於道周。獨詣衙門。固請所願。先生亦素多公子行。良久披羔裘。撰杖屨。出見焉。公子卻屨長跪。意欲自表其下士懇懇。而先生獵纓。顧霄不翔。顛實玉色。衡視汪洋。遂若不能達一辭。徒有妻有。

且頌首皇皇而已。先生徐欠伸。梅梅藟藟而言曰。僕病犬馬齒
載。隱處於此。已數十年矣。生平無所底。獨畏見貴人顏色。有賢
豪長者來。必踰垣而辟之。私竊自得也。今公子不我遐棄。儼然
屏臨。以夙知公子愛客過數。故敢勉而修蓬畢之容。發質礪之
心。公子得毋有所謂乎。公子乃槃辟不敏。再拜而前曰。下走小
子。無所遠覽。然嘗惟古人之風。引義愷懌。藉交報仇。令天下誦
之無窮。如戰國孟嘗信陵。平原春申。皆養客以乘會立功。可不
謂傑與。今幸得見先生。先生假以益我。先生適然笑曰。吁。賢哉
公子也。然今非其時矣。僕自度狂諂。無以益公子。而不敢不陳
其情。伏念公子秉青萍之質。毓隋和之英。佩蘭茝之芳。翳龍虎

之榮。砥行孫志。何患乎無名。而徒處今之世。爲四君之豪。僕恐
公子之無所成也。嗟斯世之式微。何罔極而無良心之憂矣。肺
腸卒狂。公子獨不盱衡天下乎。天下奔走維執而已矣。天下熙
攘維利而已矣。竊見夫鼎盛高閼。抗爽帝京。父祖三公。身膺九
卿。孫子姻婭。持彙承明。虞魏顓陸之昆。金張許史之門。累綬疊
轂。丹轂朱軒。并軌而出。則彩旆匿曜。比落闕墮。列兵而旋。則蘭
筍排榮。哮闕內設。於是賓客雜沓。冠蓋挂甍。摩駟擊轡。五雋轟
轟。雲合鴈集。塵驚電驚。果其權壓肺附。中外倚傾。業欲譁衆而
取寵。固必叛行以相爭。與其懷材而坐困。毋寧喬詰以獵聲。苟
願通細旃之呼吸。何妨拜董石爲父兄。是故五侯之閭胥。七貴

之僮僕。皆影鐵羅。厠露敷。奉綠絳。持奏牘。守閤閭之沈沈。影願
肅於王宮。乏肉好之磊珂。肅嘉客而弗與通。值其揮叱莫顧。慙
教左盼。徒撫膺以死結。魂憚殃之貧賤。輕眦之輩。羶逐之夫。乃
益小蛇大附。葉拱偃僂。雖假辭於掃門。寔內懼於子都。寒暑造
請。衷奇貨而慙求索。篝燈行露。要醉茵而偏於塗。展軫卹勿。攘
臂前驅。睇睇則從其目之所眴。咳唾則慮其臆之所指。將捫脇
而底施。甘飴癰而舐痔。成貝錦以涵譖。羅厓眦以得喜。當此之
時。自謂捐頂踵以瀝血。質父母以相矢。殺身不足以報。願爲知
已者歟。及至執衰權說。上印罷歸。閉門不仕。三徑艸腓。昔日兮
繁華。今日兮落拓。望車馬兮風從從。斐遲遲於長薄。乃始効鄭

子之慨中廢尉翟公之傷羅雀不亦所見之既晚而人生復何樂乎或有躬辭北闕猶居武昌輦金帛於章臺聯音問於未央夜馳數行於傳置勝縣尺一於巖廊使者旁午絡繹征攘結軼連轡載道炫燿能使隨夷溷而罹咎距跡廉而獲臧用是閭里傾駭躡景投契微燹重隄反首靡至隱民厭私寓乘將事憑雌貢於唇吻逞捷幡爲遊說藉微榮於有司晝入幕之陰計囊橐魁宿以奸蘭分判桀心而苛細贅聚倖佞以熱服圍奪掌距以頌繁乃用氣食其鄉人使酒放恣而睥睨而姪姪廉謹長厚好施者益歎歎其道跡無聞曾不若彼之陪隸何則重失執也卽不然而隱賑盈萬卓鄭擅藏辜權勑庶節馴巨商振振廢居賕

萌溢箱。繡而雲。楨齊乎發。越披香。輿騎踈鼓。盛乎長壽。吉陽。香
冒銅切。琳琅夜光。練日供具。讌賓置酒。肴核體薦。金罍玉斗。倡
優紛莞。絃叩宮徵。導於瑤席之右。妖麗雜崔蔡。飄粉袂。列於芳
帳之後。箇中白越。綸絮方空。韋薦畫綈。錦棚擊鐘。試弁戲車。噪
諠爲雄。迭倡更和。主人入又。促柱飄厲。客前爲壽。時則巧饌。綈
繆。剗啁永夕。滌嘗作棋。通蕩脫幘。漿酒藿肉。嘖炙膠頤。沈湎其
餘。汙貿易連仍。漉削脯胃。乾沒其餘澤。相繇之九山。難以快其
偏嗜。歎尼之辛羶。難以充其耽視。何則。重得利也。今夫髻亂束
髮。同研細席。抵掌寤寐。紉繹載籍。自謂退則蹈鴻冥。進則爛金
冊。追步羊左之芳。獨遠軼陳雷之膠漆。洎乎騁轡千里。高舉六

翻念誰昔之攜手。已離邊如遺跡。望故人兮不來。涕沾裳兮脈
脈。貧賤兮心相知。富貴兮不可測。彼旣逸豫而自康。此安得不
茫。際而失職。已知夫情之固然。又何於邑而太息。乃復懷范張
而益擊。慕王貢而加額。何異常羊欲舞。說說斬之干戚。精衛西
山。報難窮之木石。亦祇伊優抗辯。撫中慙而血化爲碧。故知世
道險巇。俛俛安之。竊伏自念。令人傷悲。朝爲刎頸。暮爲寇讎。同
巧相勝。同力相謀。智藏疎狂。比介離尤。見便則奪。佗何所求。陽
浮道與內深次骨。藏莫邪於談笑。鋟飛鏃於痛哭。剗革利於伏
飛。糾纏甚於底剗。其始或芥蒂於一言。嫉用斯之而狐疑。遂至
牌以奇旤。輟裂宗夷。雖向所爲白日之皎。金石之堅。亦欲食其

肉而震處其皮。然而父母之仇。猶可締恩同儕。小利未獲。則更
深於不共戴。苟貪憚而競進。昆與弟其相戕毀。念骨肉之殘。豈
又何有乎知己。是以方正骨鯁。坐而待斃。往往因此而奸宄之
自相讎。抑又不可勝紀矣。繇是觀之。豈特隙哆於子元。憐侔
於汎水也哉。彼六杜霸魁岸。閭閻剝悍。背公歟黨。椎埋武斷。徵
盡車爲亡命。擅藏匿而畔換。大者鞠牛脫尾。千乘喪車。卽能遮
殺尹公。舌斷軼儒。投牽露醢。柳市豪居。劍雙髮指。毗裂捐軀。終
汗殊歟。伏鎖受誅。殊振窮周急。頗有國士風。雖陷於刑辟。則亦
結客之雄者也。豈可語於世之相軋相攻耶。爾乃魏其武安之
報。淮南八公之故。固喬之夷。滅膚滂之黨錮。雖委頓於時窮。君

子蓋悲其自誤。若夫操觚濡翰。摘藻屬文。騁雄辨於臧耳。齊墨
妙於淵雲。斯固宜明智之所爲美談而謏聞也。然何爲負力怙
氣。遽言詆訶。忿訾暗惡。謗議孔多。好隨其所非是。辨者亦無如
之何。或一字之齟齬。遂沒身而齟齬。修詞吳以中人。謏毫端爲
朋比。倚銀艾而隆其稱。又何價慚乎魚目。既謠詠而妬之。恨不
剗刃於其腹。以言飽爲工巧。俯眉春而且饑。須搖而受毒蘂。相
稽而莫知爲譏。迨夫大譴未逞。其私怨乃嫁禍而造蜚語。結市
井而匿主名。相與奮髯而射聲。置汝當其鞠躬舟旋。罄折聯胸。
促尊行觴。嗟嗟懽懽。厥而噂沓。夸毘貌調相善。茹吐併張。刻於
巧詆獄識。攫網援箠。慘於衷甲。敵戰。澁頰不足以喻其險。雷霆

不足以窺其變。若斯之態。何可令人見也。是以朱公叔著書而示絕。劉孝標廣論而竊流。五交三繫。蓋有繇矣。故高尚之士。遐世長孺。匿軌市藥。淪形織屨。東臯可以滅名。馬牧可以勿號。韋福至爛。恐無以報。井丹卻信陽之驥。荀慈忝東平之暴。暗鬼域之禍。乃上客而閉關。惡著書以怡老。縹石函而藏名山。與其苦惱億而捫胡。內布渠答而貌疆顏。何如扈江離而佩蘭茝。聽飛泉兮潺湲。歛脛脛之難全。勿沾沾以自喜。寧絕跡而不交。非果有不得已者歟。至於遨遊典籍之圃。揖讓德義之林。輔佐而樹懿績。解后而播德音。解縛之相。釋褐之傳。漁濱而爲尚父。版築而作霖雨。此之謂交。寔因乎其所遇。他若荆聶之義。曹專之

勇卿恩思奮擇。夙自重夷門之老。處囊之客。奪晉鄙之軍。周魏
齊之厄。誠唯古之人爲能蹈其迹矣。以今索刀錐之能。類豺虎
之殘。競利是徇。其心孔艱。而望爲古人。豈不難哉。豈不難哉。先
生之辭未畢。公子澳墨道廵。下帶而視。已自膝席墨墨抵几。曰。
小子髦髦。徒以爲散黃金。多結客。庶可以有見於天下。何乃知
流俗之儇薄。人情之螫毒。今遂至此也。諸謝諸客。獨從先生遊。
閱天下之變。服古人之修。重布衣之所厚。終身而無它求。擇而
後交。毋爲明喆之所羞。但恥夫富厚之家。日夜持籌。交不出於
里閭。名不聞於諸侯。徒徵厚祿。竊高位。美田宅。侈千駟。飲淳熬。
被珠翠。老歛而臨屬。續睨妻孥。而屑淚。雖翰檜題湊。無益於銘。

誌誠欲以小子生平所爲愧之耳。嗚呼。世已如此。將謂之何。孰
視今太息。乃與先生鼓掌而作歌。歌曰。秋風發兮艸木衰。人生
結客兮少年時。黃金盡兮故人去。世無知己兮將安歸。

九將序

予讀方密詩至對酒從軍■變庚午春日諸作暨覽擬上求治
書文論等篇則慨然曰異乎密其才奇其言激切其懷磊落而
不羈殆處遲暮貧賤者乎予知密則卿大夫之孫子也皖桐之
間山水峭潔風俗侈麗英髦衡連密從祖父庭訓之餘容與適
志寧有憾耶夫何而擬離騷也史記曰離騷猶離憂也作者不
得于君續者又託古之不得於君者以發憤其志密乎曾有此
乎間卽盱衡當世有所感激以不世出之才行起爲之功名未
有量則密之擬騷示志似非所宜然士負奇才砥行好古冀卽
見用當世鼓其盛氣立功名以爲宗族交游光寵乃數上書而

不一遇退處艸野感嘆今昔而放其抑鬱不平之氣于聲詩者
固比比是密特進其詞意于離騷之間以自勗焉已矣今其所
著播在通都讀者考其名義玩詠其詞則亦可惻然而悲矣嗟
乎密幸負其才氣爲卿大夫之孫子也今世尚毀譽士苟高志
大言動稱古昔則衆嫉之善乎孫登之言曰用先在乎得薪所
以保其耀用才在乎識真所以全其年此子龍幼安之徒絕迹
高蹈良有以爾予按密擬上求治書云今天下賄賂不禁而欲
實信罰必名實當是非一得乎初爲其利而故亂其是非究且
怙氣執以爲見其當然文論則曰士自念欲通天人觀古今以
其餘爲詞賦莫若多誦法古昔然百家浮稱未可一揆要其至

德要道統乎六經擴而十三經文辭爾雅叙事達義則左國史
漢畢矣推其志則蓋天下已任者而或以爲宋景以降續離騷
者凡七人其文迄今列楚詞中若是則密所著固足傳矣且皖
祠於春秋屬楚其地撫居采控制襄帶樞陽出廬江此昔漢武
魏操周呂所嘗發憤而起登封戰鬪之處游其地者慨然而賦
往往有楚聲况密生長其地負才不卽邁欲不擬騷示志其得
乎然予亦楚人予里有萬茂先徐巨源諸子皆深好書抱道
艸野又年長於密其感時賦怨不密若則豈別有言寬者哉夫
密或亦退求之矣崇禎昭疆新建弟蘇桓序

余讀密之九將輒歎其才追往古情絕來今也夫密之生清華

之族資鼎盛之年驚才宏覽含玉吐勒卽矣疑焉顧所謂九將者蓋有不得志於世者矣猶離憂也夫平也怨在宗戚也是故辭尚隱複義取譎怪不忍巷伯之斥言蘇公之顯絕已爾密之所爲不得志者奚在其以是將之乎余欲推斯志也余讀九將纏綿往復情理無極意當採取雋妙節畧議之私爲已有如昔人所稱拾其香艸者卒櫟櫟無所庸吾取舍矣因思之誰爲文選乎九歌割其六九辨擬其五九章取一焉使讀九將又奚以云也密之酒酣每指笑昭明疎狀余無以難余讀九將益歎密之論有據也癸酉冬九華弟劉城書

九將

并序篇首各有小序

屈平作九歌九章以傷悼反復長言之至於數也宋大夫作九辨東方曼倩作七諫王子淵作九懷劉子政作九歎王叔師作九思大抵皆悲三閭放逐而沈汨羅爲述當時之意懷思歎息廣撫其文而爲之所謂讚賢以輔志豈非歎與余素好其辭間作九將以攄吾所死結耳遠古如茲欲發憤其不得志往往然也豈必顛怒椒蘭之譖哀南郢之靈修乎憂心京京亦孔之將且因此以將之矣

終永懷

終永懷懷允不敢忘其終也

臨禺中以顧連石兮。薄下春而景西陸。撫嘉時之長邁兮。哀民生之何能穀。鴈飛隼之翔翔兮。將戢止於何所。鴈鵲叢於棧檠兮。又焉知其匪茹。人生各有所欲兮。悅邑鬱處乎淪鋪。羃羃于嶠扈兮。已于罹而何辜。愍衆人之或或兮。莫不夸毘而馮生。獨然食糲而罔知其究兮。攫網深爪以相爭。何堅肥之足朶。願兮。贊圭組以并行。利愴囊以錢刀兮。迫齒耄而忽忘。怵居徒之狗賄兮。豈惟僕僕而致也。覩令名之鮮終兮。烈士錫來而是也。已疾痼木之無枝兮。又翩然頽而集之。放餘皇而解絆維兮。正絕流其誰及之。余惜不測其所終兮。方自如以恣睢。迄縱橫之。

至於已兮。迴齋嗟而涕洟。蘭以薰而自難兮。膏以明而自滅。達
者審而蟬蛻兮。務猶猶以怡說。何所不得吾情兮。斯役役者爲
誰。歌吾純絜之既終兮。請肆爾長歌以永懷。

念誰昔

念誰昔惜往日也惜誦時不可失也

念誰昔之翼翼不察兮。徒以羣爲信芳。索揭車以爲紫矜兮。緝
辟荔以爲翠裳。旣畦蘅蘭之必第兮。又畜胡繩之軋芴。愼溉滋
以嶽嶽兮。艾蒿散與伊蔚時已邁而不采兮。條孳歛而落莠。前
夜櫟而翦蓼兮。茲荒穢其漸蕪。衆盈臂以謂陸離兮。孰云蕭艾
之不可佩。彼蕙芷徒棄如遺兮。何爲博蹇之修能。忽不淹其西

累兮。泣前修之行。迷曠歲月而猶未有所抵兮。又安貴夫躡景
與駛。翼云駕。勢皇以啓先驅兮。衆固輟歎拍張而晒之。策驚台
追逐而旋。淳兮。衆又紛拏。韓藉以窘之。將欲效突梯滑稽以詭
適逢遭兮。中顧渙忍而不忍。寧於邑。輒軻以侘傺兮。焉得不多
瘠而覲閔。感鶉鴉之先鳴兮。疾伯勞之西飛。倚發越以薊蒞兮。
慘搖落以具腓。歲冉冉其忽晏兮。毋騁少壯以爲早。水東流而
不可還兮。人訖蹉焉以老。老兮。人所常兮。胡然而徬徨兮。遠兮。
賤兮。勞我心而不得見兮。

忝自鞠

忝自鞠自怨。且艾也。怨怨其窮也。艾艾其無忝所生也。

台幼服此好兮。思區沒以無系。紛詩書以簡畢兮。治古晉而常
謙。兼意乘騏驎以遠觀兮。驂駟驪以爲鴈行。鏤虎韞而鎔腹軀
兮。飾明月以緣玄纈。固將穆流以采問兮。擔簦叩枻而復言返。
世溷濁而譁衆取寵兮。夫安知燉我之尚博寒。進余不足以拖
榮於巖廊兮。退余反見詆訶于閭里。惟耿介遂以離尤兮。比落
易敢以減否。審周道之浩渺兮。孟晉不憚而難至。豈先王之不
可學兮。何暗應讐言之竝譌。累惡沴而陰鶴益兮。孰愈強繩樞
而婆娑。蒸矯誣而財多兮。甚恥夫躡躡而蹉跎。墜魚目以爲奇
珍兮。何必周璞而後凋。斲幹康瓠之足寶兮。又何歎隋珠之拓
落。應龍之蟠潛淵兮。豈類鮀鰓之穴污泥。鴻鵠翔於厓巖之表

今。豈鵲鵲之騰搶于蒺藜。緊知者之難難兮。歷千紀而慨遇。莫困辱於好修兮。嘿嘿猶未免於嫉妬。孰灌灌以方齊兮。顧脛脛而揚匪葵。知謠詠之誣以善謠兮。何自矜其蛾眉。懷攸好而靡敢發兮。念所生而靡敢它。傷汨汨之竟無人兮。心忡忡其云何。

陰女赫

陰女赫極反側也。人藏其心不可測度也。極之也者。周

一極也

悲回風之霾颺兮。窘陰雨之霑霑。遲飛廉以發發兮。縱屏翳以苦濤。伊白日之昭昭兮。欲睹之而既蔽。匿長夜之攸攸兮。又以余睥睨而見惠。饑鷹厲吻而搏雛兮。熊羆奔騰而啖食。賢者堅

搔而索處兮。斯復何時而敢聞歎息。腐鼠之啣實數兮。何挾而不可奪。卽與羊謀其羞兮。何威而不可作。苟抵鱗而計得當兮。蛾行剝而焉問所親。彼骨肉之相戕兮。又何有乎它人。羅笙鼓曲。旂于陝榭兮。揚阿錫金華於後房。極膏腴以享權會兮。擁蘭綺。孝闕而供張。僮僕贍銚盪而橫兮。賓客驚歎而不敢叩。眦異睚眦而刺人之頸兮。寧肆殺而奉其意指。憑言关而漁食兮。互掌距而倂張。豈肺腸之自有兮。俾小大之卒狂。夫赤芾而乘華軒兮。孰非人之所恒欲。顧叱咤傾軋以排陷兮。又何加於其祿。謂桀心其宜快。愜兮。吾見其煩或而愍也。中調而肆毒。冀兮。吾竊以夫人之太忍也。蕤徠。藝縶之榮。寡兮。沾商露其夕墜。盛華

三
應其亦何資兮。保隴修之能弗置。以螭蛇之遊霧兮。殃亦殆於
卽且。元龜其亦殞於夢兮。松柏中虛而守門閭。君不可不慎所
爲兮。勿謂皇剡剡其久欺。輒顛而首隕兮。斯固里人之所知。底
劉而宗夷兮。計反覆亦何得當乘權而濫威兮。彼鬼域其將安
極。縱反側其可極兮。念修禱者長此困窮。苟昊天降罰而世清
平兮。君子又何患乎鬱鬱以終。

勞作所

勞作所所其無逸也。人雖欲不勞不可得也。

陟長薄兮。望前陂。紛車馬兮。何斐斐。歲云莫兮。日已施。路修遠
兮。不得歸。驅輻輳以鴻網兮。塵誰蔽空以安極。雖展軫策豈以

卽勿兮。衆殷殷軫軫其誰息。煩余漂漂以振遐翻兮。孤好我之
已寡。駕出遊以寫心兮。能勿重殄瘁于車馬車韉將折兮。我馬
應墮被褐離瘼兮。寒且饑。蹉蹉故鄉兮。豈不欲還。顧貧賤兮。獨
難。猗彼富人之子兮。曳綸褰而廁霧縠。飾珠瑛以偏諸緣兮。金
塗銅鍤而暢丹轂。靚莊的。嚙嫺嫺以嫵屑兮。麗靡玩好萃蔡而
閒都。煥曼延而咲淳厚兮。守華屋而自娛。讓露零兮。沾薜蘿。繁
霜降兮。殺顛棘。歡樂極而哀情多兮。孰不嗟富貴之何益。余憚
墊。莫慘礪而愒憶兮。疾嫺嫺輕矯而猗遶。寧局室而蘆簾兮。儻
焉上容而遲遲。逢憚怒不徹而是椽兮。敢效我友之自逸。感日
月之方除兮。引職兄而象息。少年兮。白髮生。皓首兮。猶在遠行。

勞勞兮曷其有已。歌者苦兮多悲聲。

告台顛

告台顛悲反覆也已反覆矣若之何其告將誰告乎曰
告台告台也者不敢告于人也

凜浮雲之奄忽兮。請蔽虧以互相踰。觸石膚寸以幕天兮。盲風
迴迫而前驅。昧冥冥以倒行兮。卽霹靂吐火而盍懼。滌醕媮樂
而既中於蹇蹇兮。又何慮捷徑以窘步。遽暈之沸鳴兮。安得杜
鞠而揚其灰。城有狐而叢棘兮。哺怪鴟而畜燕來。伊管管而卒
淖兮。跛踣狼顧以犯科。顛隤而日蹙兮。豈民言之太譎。豬衍溢
而無坻兮。困窮閼而憐莫知其故。候我美人之聖瞻兮。惜無騏

驥以先登下竝舉而虛鳴兮揚沸而不滅炊耿疥癢而不潭兮
迄癘疽其又奚治倡披兒猥而自殘兮薰胥好朋以相訛魑蠃
隆而賴蕭枯兮松柏安能以榮其枝彼以懲前而職導沓兮朝
頻頸而莫陷以連坐苟得逞私憤以獻寵兮滿調誣天乎亦何
不可昔干爭而被狙醢兮員諫而浮賜夷賢固不必受報兮忠
臣緊不可爲微忝而箕狂兮蠹遊而爲富翁夫孰非知者之先
幾兮雖溘歔流亾亦何庸方正逆良而倒植兮自前代而莫不
然詰王何嘗弗寤兮誠不如相時遁巡之獨全迴流湍以徑度
兮亟揚舲以鼓枻施五采匪色於短後袂袞兮何不可以攘袂
警駟既已九折兮雖成良而疇服其藥目睫不能自鑒其咄兮

豈以無故而使曜銀艾且以論臺兮。於布冠敝屣乎何有。胡我
生之多故兮。不自先而不自後。岑岑涕泗以伊憂兮。吾焉知此
何時也。姦姦以終其身兮。又烏足以爲非也。

矢神聽

矢神聽神之聽之中心告之也

倬有昊之弔靈兮。何參差以昇不均。縣譖祿以昭恥兮。孰若否
之當脊倫。炳管蕭而令羶。蕭兮懷椒糈以爲鬱。壘相放恣而震
澹兮。彌送靈旂而在上。噉昌蕤以祗告兮。開軼視視而降茲。曰
維聰明正直而一分。厥言恒信于蒼龜。五帝六宗其俟續兮。鑒
岱泰其戾止。俊命時司執衡兮。帝咨咎繇以爲李。豈九天之夏

絕兮孰察下土之中情。耿怍怍以諒直兮。指招搖大角以爲正。
賢者偃蹇而無祿兮。譏夫蝮螫而有慶。淵愚而終以歿兮。跼橫
而壽彌昌。玄鳥何降而假祈兮。赤燕何吞而宜男。舟白魚而何
萃兮。屋流烏而何瞻。天厲欲殄癸受兮。何假手而藉資履發。諸
累弧而箕服兮。何不宣誠而使不蹶。雷開之阿邑兮。封金玉而
肆弗殞。新城之雉經兮。受譏惡而曾弗憫。常羊之前旣樵斧兮。
何能乳目而舞干戚。相繇遂以九山兮。浣腎不灰而安適。咨莽
降之者聿兮。又給螫蔓而助殃。疾懸懸之耽耽兮。又使倂爲之
前行。蘭何爲以冬萎兮。棘何爲以實祿。若華羅生乎砥堦兮。苗
桂鬱乎山之後。意天軌之貪亂兮。余惡乎痛斯世而哭之。百神

伏而無主兮，雖巫咸其安卜之。

強消搖

強消搖悲失志也。志既不得，不可爲也。又焉悲之然已悲矣。消搖焉夫，安得不強也。

茂彼亭皋之馮葛兮，有難高平之蔞葵。澹從風而猗柎兮，天沃沃其無知。我胡爲以懷懷兮，紛矯節而無斁。瞰彼九暑而蒙羔裘兮，何不變而綵絺。容何未有室家兮，鼠思安可以戶傳。既不克喋喋而咕咕兮，又不克諸諸而便便。俗已倖倖而見讓兮，甲之辰余言行邁。量余涉乎具區兮，夕余濟乎江介。舍楫遵陸兮，薰隧維塵。策駑馬兮，胡與秦歷橫街之廣廣兮。遙望山中之無

人山無人兮木葉下。羌噓噓兮風以雨。蔭三襲之榎椅兮。鬱通谷之宿莽。習夷猶其言旋兮。耽虞谷而勿迫。弭脂韋于道周兮。振蓬飛而尚隔。崒成英礪礪而艸叢兮。水涘闊過辨而叢流。森潏潏而絕梁兮。厲盈盈而莫歸。憩厥臾之收潦兮。鄙部婁之無木。何不歸采蘭兮。盈掬陟山椒兮。歌此曲。少歌曰。有鳥東飛兮。翔彼故林。泄泄羽毛兮。遣以好音。山阿之人兮。晏晏披帷。芳桂爲棟兮。杜若爲櫓。厠有豫章兮。隰有畱夷。索處難老兮。欲控其誰。常羊消搖兮。不知是非。白日已昏兮。惡可以爲。

抽亂曲

抽亂曲中心且抽長言之也

挂酒兮蘭湯。玉液兮瓊漿。列大離兮獨彈。陳墳麓兮浩倡。考鐘
鼓兮繁會。紛鸞鳳兮鏘鏘。疏越兮緩節。激徵兮變商。五音飭兮
良工。悉索。曲未闕兮心不懌。屬兒。舞兮如噎。張華帝兮云夕。縣
鞀。奉兮劍將疎。序大侯兮矢不可射。愴。躑躅兮起舞。勞矜。茫兮
今昔。顧謂四座兮且相和。儀。僇僇兮交鳥。我不樂兮復何時。曠
目。恍。憐兮如遠行客。鞠。茂。艸兮周道。再三歎兮用老。交。不長兮
日以新。所好不謀兮誰爲平生親。志不得兮寢以危。漚。白。菅兮
爲繩。徘徊劇。驂兮自失。太行。崩兮將安之。統。單。亟而幹。旣。斷
兮。陳。揭。奮而廩已灾。山。將。頽而木安植兮。空。無。雲而殷其雷。天
蒼蒼兮塋靡靡。黃。鵠。遠。舉兮不集。苞。杞。要。領且不獲。坳兮。安能

括愛乎妻子。貫索嚙嚙兮。卷舌煌煌。閣道流李兮。亘于槐檜。焚
或守舍而生角兮。太白經天而反逆行。糾脣變兮。不可言。撫膺
兮。不敢望。蕭蕭兮。沁沁。漸瀝兮。多枯桑。衣穿空兮。被以霜。謊諄
嗚咽兮。聲不能長。欲有所如今。誰從。不得至兮。山中。既醉兮。泣
下。魂綿邈而飄搖兮。一何苦。倡曰。恍兮。忽兮。鬱不發兮。心既變
兮。方弗見兮。野雀無巢。東西飛兮。信宿誰舍。竭而歸兮。采采芳
艸。遺所思兮。佩而棄之。然且疑兮。服彼夜光。毋亟投兮。維今之
人。曷能周兮。湜有岸兮。石則斫兮。餐不敢飽。春白粲兮。臬炙不
薦。惡求彈兮。林木何脩脩兮。長路何漫漫兮。抽我心曲。已爲亂
兮。亂曰。已矣兮。怒如何。世無知音兮。又焉歌。江水深兮。風揚波。

日莫千里兮傷心多

稽古堂二集序

國家數百年而大文人不數出東南自弇州後寥寥矣天生密之兼才博學豈尋常哉自角卯能古文詩賦其著於時者不待言獨管中所存亦不下數千萬言古今之故斷斷如也今年江上遇風沉於江矣豈天不淑人英華見哉抑欲密之再發憤耶余服其才難惜其心苦因從友人及他處四搜索之選其最者得若干篇亦欲以慰密之亦欲以勉密之也嗟乎今天下人事制義其善者千不得百十善此者生平所作稱善亦千不得百十乃爲古文辭動卽稱善卽灾木以傳通都不亦誣乎密之嘗欲以古道勉天下天下試讀其文觀密之所以自勉者卽可以

勉矣勿徒歎密之之才大不可及也已卯夏同學農父周岐題